

[明]張之象 編
[日]中島敏夫 整理

唐詩類苑

二

上海世紀出版股份有限公司
上海古籍出版社

唐詩類苑 二 目錄

卷三六	水部		三
卷三七	水部		二〇
卷三八	水部		三三
卷三九	水部		四五
卷四〇	京都部		五九
卷四一	州郡部		六五
卷四二	邊塞部		七六
卷四三	邊塞部		九一
卷四四	帝王部		一一一
卷四五	帝戚部		一二二
卷四六	職官部		一三一
卷四七	職官部		一五二
卷四八	職官部		一六九
卷四九	職官部		一九〇
卷五〇	職官部		二一〇
卷五一	職官部		二二三
卷五二	治政部		二四六
卷五三	治政部		二五五

卷五三	治政部		二七七
卷五四	治政部		二九三
卷五五	治政部		三〇七
卷五六	禮部		三二二
卷五七	禮部		三三二
卷五八	禮部		三四二
卷五九	禮部		三六四
卷六〇	禮部		三八三
卷六一	樂部		四〇〇
卷六二	樂部		四一七
卷六三	樂部		四二五
卷六四	樂部		四三七
卷六五	樂部		四五一
卷六六	樂部		四六九
卷六七	文部		四八八
卷六八	文部		五〇〇
卷六九	文部		五二三
卷七〇	文部		五三四

唐詩類苑
(二)

明雲間張之象玄超甫纂輯

雲間徐光啓子先甫編次

雲間王 徹叔朗甫補訂

梁谿曹仁孫伯安甫校正

池

詠池

李 嶠

絲棹浮太液清觴醉習家詩情對明月雲曲拂流霞
煙散龍形淨波含鳳影斜安仁動秋興魚鳥思空賒

唐詩類苑

卷之三十一

冬日臨昆明池

貞觀四年

太 宗

昆明池在上林苑周回十里漢武帝元狩四年欲
伐昆明穿此池以習水戰中有豫章臺刻石爲鯨
魚每至雷雨常鳴吼鬣尾皆動旁有二石人立牽
牛織女於池之東西以象天河武帝初穿池得黑
土帝問東方朔朔曰西域胡人知乃問胡人胡人
曰却燒之餘灰也

石鯨分玉溜却燼隱平沙柳影冰無葉梅心凍有花
寒朝凝野霧霜天散夕霞懽情猶未極落景遽西斜
昆明池晏坐王兵部珣見示以三韻因而有

荅

蘇 頌

畫舸疾如飛遙遙泛夕暉石鯨吹浪隱王女步塵歸
獨有銜恩處明珠在釣磯

和許侍郎遊昆明池

李百藥

神池望北極滄波接遠天儀星似河漢落景類虞泉
年深平館宇道泰偃戈船差池下鳥鴈掩映生雲煙
浪花開已合風文直且連稅馬金堤外橫舟石岸前
羽觴傾綠蟻飛日落紅鮮積水浮深智明珠耀雅篇
大鯨方遠擊沈灰獨未然知君嘯儔侶短翮徒聯翩

昆明池侍宴應制

沈佺期

唐詩類苑

卷之三十一

二

武帝伐昆明穿池習五兵水同河漢在館有豫章名
我后光天德垂衣文教成黷兵非帝念勞物豈皇情
春仗過鯨沼雲旗出鳳城靈魚銜寶躍仙女廢機迎
柳拂旌門暗蘭依帳殿生還如流水曲日晚棹歌聲
恩敕尚書省寮宴昆明池應制同用堯字

張嘉貞

靈沼初開漢神池舊浴堯昔人徒習武明代此聞韶
地脉山川勝天恩雨露饒時光牽利舸舫春淑覆柔條
芳醞醒千日華牋落九霄幸承歡資重不覺醉歸遙
恩敕尚書省寮宴昆明池應制同用堯字

蘇頌

露漙漙雲霽天官次斗杓昆明四十里空水極晴朝
鴈似銜紅葉鯨疑噴海潮翠山來徹底白日去迴標
泳廣漁槎溢浮深妓舫搖飽恩皆醉止合舞共歌堯

奉和晦日幸昆明池應制 宋之問

景龍三年正月晦日中宗皇帝幸昆明池賦詩群
臣應制百餘篇帳殿前結綵樓命昭容選一首爲
新翻御製曲從臣悉集其下須臾紙落如飛各認
其名而懷之既退唯沈宋二詩不下又移時一紙
飛墜競取而觀乃沈詩也及聞其評曰二詩工力

唐詩類苑

卷之三十六

三

悉敵沈詩落句云微臣彫朽質羞覩豫章材蓋詞
氣已竭宋詩云不愁明月盡自有夜珠來猶陡健
舉沈乃服不敢復爭

春豫靈池會滄波帳殿開舟凌石鯨度槎拂斗牛迴
節晦莫全落春遲柳暗催象溟看浴景燒劫辨沈灰
鎬飲周文樂汾歌漢武才不愁明月盡自有夜珠來

奉和晦日幸昆明池應制 沈佺期

法駕乘春轉神池象漢回雙星遺漢石孤月隱殘灰
戰鷁逢時去恩魚望幸來山花綈騎遶堤柳幔城開
思逸橫汾唱歌荒宴鎬杯微臣彫朽質羞覩豫章材

奉和晦日幸昆明池應制 蘇頌

炎曆事邊陲昆明始鑿池豫遊光後聖征戰罷前規
霽色清珍宇年芳入錦陂御杯蘭薦葉僊仗柳交枝
二石分河瀉雙珠代月移微臣比翔泳恩廣自無涯

奉和晦日幸昆明池應制 李乂

玉路尋春賞金堤重晦遊川通黑水漫地脉紫泉流
晃朗扶桑出綿聯樹杞周鳥疑埋海處人似隔河秋
却盡灰猶識年移石故留汀洲歸棹晚簫鼓雜汾謳
晦日同志昆明池汎舟

故人同汎處遠色望中明靜見砂痕露微思月鬼

唐詩類苑

卷之三十六

四

周迴餘雪在浩渺暮雲平戲鳥隨蘭棹空波蕩石鯨
劫灰難問理島樹偶知名自省曾遊賞無如此日情
晦日同志昆明池汎舟

靈沼疑河漢蕭條見斗牛煙生知岸近水淨覺天秋
落月低前樹清輝滿去舟興因孤嶼起心爲白蘋留
曉吹兼漁唱閒雲伴客愁龍津如可上長嘯且乘流
遊長寧公主流杯池二十五首

上官昭容

長寧公主韋庶人所生下嫁楊慎交皇帝制曰門
下特進行右散騎常侍駙馬都尉觀國公楊慎交

分榮戚里藉寵公門恭肅著于立身協勤効于從
政鳳凰樓上宛符琴瑟之歡烏鵲橋前載協松蘿
之契宜覃茅土式廣山河因造第於東都府財幾
竭又取西京高力士第左金吾衛廢營合爲宅作
三重樓築山浚池帝及后數臨幸今昭容賦詩群
臣屬和

逐仙賞展幽情踰崑閬訪蓬瀛

二

遊曾館陟秦臺汗山壁愧瓊瓊

三

唐詩類苑

卷之三十一

五

檀欒竹影颺颺松聲不煩歌吹自足怡情

四

仰循茅宇俯眄喬枝煙霞問訊風月相知

五

枝條鬱鬱文質彬彬山林作伴松桂爲鄰

六

清波洶湧碧樹冥蒙莫怪留步因攀桂叢

七

莫論圓嶠休說方壺何如魯館卽是仙都

八

九

攀藤招逸客偃桂叶幽情水中看樹影風裏聽松聲
攜琴待叔夜負局訪安期不應留石壁爲記賞山時

十

泉石多仙趣巖壑寫奇形欲知堪悅耳惟聽水泠泠

十一

巖壑恣登臨瑩目復怡心風篁類長笛流水當鳴琴

十二

懶步天台路惟登地肺山幽巖仙桂滿今日恣情攀

十三

唐詩類苑

卷之三十六

六

暫遊仁智所蕭然松桂情寄言棲遁客勿復訪蓬瀛

十四

瀑溜晴疑雨叢篁畫似昏山中具可玩暫請報王孫

十五

傍池聊試筆依石旋題詩預彈山水調終擬從鍾期

十六

橫鋪豹皮褥側戴鹿胎巾借問何爲者山中有逸人

十七

沁水田園先自多齊梁樓觀更無過倩語張騫莫辛

苦人今從此識天河

十八

參差碧岫聳蓮花，潺湲綠水瑩金沙。
何須遠訪三山路，人今已到九仙家。

十九

憑高瞰淪足，怡心菌閣桃源不暇尋。
餘雪依林成玉樹，殘雲點岫卽瑤琴。

二十

玉環騰遠創金埒，荷殊榮弗玩珠璣。
飾仍留仁智情，鑿山便作室憑樹。
卽爲楹工輸與班爾，從此遂韜聲。

二十一

唐詩類苑

卷之三六

七

登山一長望，正遇九春初。
結駟填街術，閭閻滿邑居。
鬪雪梅先吐，驚風柳未舒。
直愁斜日暮，不畏酒樽虛。

二十二

霽曉氣清和，披襟賞薜蘿。
玳瑁凝春色，琉璃漾水波。
跂石聊長嘯，攀松乍短歌。
除非物外者，誰就此經過。

二十三

暫爾遊山第，淹留惜未歸。
水窻明月滿，澗戶白雲飛。
書引藤爲架，人將薜作衣。
此真攀玩所，臨睨賞光輝。

二十四

放曠出煙雲，蕭條事不群。
漱流清意府，隱几避囂氛。

石畫裝苔色，風梭織水文。
山室何爲貴，唯餘蘭桂薰。

二十五

策杖臨霞岫，危步下霜蹊。
志逐深山靜，途隨曲澗迷。
漸覺心神逸，俄看雲霧低。
莫怪人題樹，祇爲賞幽棲。

奉和中宗皇帝幸興慶池戲競渡應制

李適

拂露金輿丹旆轉，凌晨黼帳碧池開。
南山倒影從雲落，北澗搖光寫浪迴。
急舸爭標排荇度，輕帆截浦觸荷來。
橫汾燕鎬歡無極，歌舞年年聖壽杯。

奉和中宗皇帝幸興慶池戲競渡應制

唐詩類苑

卷之三六

八

徐彥伯

夾道傳呼翊翠虬，天迴地轉御芳洲。
青潭曉靄籠仙蹕，紅嶼晴花隔綵旒。
香溢金環盈廣坐，聲傳妓舸匝中流。
群分相慶嘉魚樂，共咽橫汾歡吹秋。

興慶池侍宴應制

蘇頌

降鶴池前迴步輦，棲鸞樹杪出行宮。
山光積翠遙疑逼，水態含清近若空。
直視天河垂象外，俯窺京室畫圖中。
皇情未使恩波極，日暮樓船更起風。

興慶池侍宴應制

劉憲

蒼龍闕下天泉池，軒駕來遊簫管吹。
綠堤夏發

余不

散胃水新荷卷復披帳殿疑從畫裏出樓船直在鏡
中移自然東海神仙處何用西崑轍迹疲

興慶池侍宴應制

李 乂

神池汎濫水盈科仙蹕紆徐步輦過縱棹洄沿萍溜
合開軒眺賞麥風和潭魚在藻欣游泳谷鳥含櫻入
賦歌寄謝乘槎濱海客詎須來此問天河

興慶池侍宴應制

沈佺期

碧水澄潭映遠空紫雲香駕御微風漢家宮闕疑天
上秦地山川似鏡中向浦迴舟萍已綠分林蔽殿槿
初紅古來徒羨橫汾賞今日宸遊聖藻雄

唐詩類苑

卷之三十一

九

興慶池侍宴應制

武平一

鑾輿羽駕直城隈帳殿金門此地開皎潔靈潭圖日
月參差畫舸結樓臺波搖岸影隨橈轉風送荷香入
酒來願奉聖情歡不極長遊雲漢幾昭回

興慶池侍宴應制

蘇 瓌

金闕平明宿霧收瑤池式燕俯清流瑞鳳飛來隨帝
輦祥魚出戲躍王舟帷齊綠樹當筵密蓋轉細荷接
岸浮如臨竊比微臣懼若濟叨陪聖主遊

興慶池侍宴應制

馬懷素

積水逶迤繞貝城含虛皎鏡有餘清圖雲曲榭連綬

幕映日中塘間綵旌賞洽猶聞簫管沸歡留更睹木
蘭輕無勞海上尋仙客卽有蓬萊在帝京

興慶池侍宴應制

韋元旦

滄池漭沆帝城邊殊勝昆明鑿漢年夾岸旌旂疎輦
道中流簫鼓振樓船雲峰四起迎宸幄水樹千重入
御筵宴樂已深魚藻詠承恩更欲奏甘泉

興慶池侍宴應制

張 說

靈池月滿直城隈黼帳天臨御路開東沼初陽疑吐
出南山曉翠若浮來魚龍百戲分容與鳬鵲雙舟較
汧河願似金堤青草長承瑤水白雲杯

唐詩類苑

卷之三十一

十

三月三日詔宴定昆池官莊賦得筵字

張 說

鳳凰樓下對天泉鸚鵡洲中匝管絃舊識平陽佳麗
地今逢上巳盛明年舟將水動千尋日暮共林橫兩
岸煙不降玉人觀襍飲誰令醉舞拂賓筵

奉和聖製龍池篇

張九齡

天啓神龍生碧泉水靈源浸迤延飛龍已向珠潭
出積水仍將銀漢連岸傍花柳看勝盡浦上樓臺問
是仙我有元符從此得方爲萬歲壽圖川

奉和聖製龍池篇

姚 崇

恭聞帝里生靈祉應報明君鼎業新旣叶翠泉光寶
命還符白水出真人當時舜海潛龍躍此日堯池帶
馬巡獨有前河一小鴈叨承舊惠入天津

奉和聖製龍池篇

蔡孚

帝宅王家大道邊人馬潛龍湧聖泉昔日昔時經此
地看來看去漸成川歌臺舞榭宜正月柳岸梅洲勝
往年莫疑波上春雲少祗爲龍飛直上天

奉和聖製龍池篇

沈佺期

龍池躍龍龍已飛龍德先天天不違池開天漢分黃
道龍向天門入紫微邸第樓臺多氣色君王鳬鴈有

唐詩類苑

卷之三十一

十一

光輝爲報寰中百川水來朝此地莫東歸

奉和聖製龍池篇

盧懷慎

代邸東南龍或躍清泉碧浪遠浮天樓臺影就波中
出日月光疑鏡裏懸鴈沼回流成舜海龜書靈祉應
堯年大川旣濟慙爲楫報德空思奉細涓

奉和聖製龍池篇

姜皎

龍池初此出龍山常經此地謁龍顏日日芙蓉生夏
水年年楊柳變春灣堯壇寶匣餘煙霧舜海漁舟尚
往還願以飄飄五色影從來從去九天間

奉和聖製龍池篇

崔日用

龍興白水漢興符聖主時乘運斗樞岸上荳茸五
樹波中的樂千金珠操環昔聞迎夏啓發匣先來瑞
有虞風色雲光隨隱見赤雲神化象江湖

奉和聖製龍池篇

蘇頲

西京鳳邸躍龍泉佳氣休光鍾在天軒后霧圖今已
得秦皇水劍昔當傳恩魚不似昆明釣瑞鶴常如太
液仙願侍巡遊同舊里更聞簫鼓濟樓船

奉和聖製龍池篇

李乂

星分邑里固人居水沔源流萬頃餘魏國君王秤象
處晉家蕃邸化龍初青蒲似騁遊梁鳥綠藻疑游宴

唐詩類苑

卷之三十一

十二

鎬魚自有神靈滋液地年年雲物史官書

奉和聖製龍池篇

裴瑾

乾坤啓聖吐龍泉泉水年年勝一年始看魚躍方成
海卽覩龍飛利在天洲渚遙將銀漢接樓臺直與紫
微連休氣榮光恒不散懸知此地是神仙

奉和聖製龍池篇

姜晞

靈沼繁廻邸第前浴日涵春寫曙天始見龍臺昇鳳
闕應知霄漢起神泉石匱渚傍還啓聖桃李初生更
有仙欲化帝圖從此受正同河變一千年

龍池

李商隱

龍池賜酒敞雲屏羯鼓聲高衆樂停夜半宴歸鐘漏
永薛王沈醉壽王醒

太子池二首

温庭筠

梨花雪壓枝鶯嚶柳如絲懶逐妝成曉春融夢覺遲
鬢輕全作影顰淺未成眉莫信張公子窻間斷暗期

二

花紅蘭紫莖愁草雨初晴柳占三春色鶯偷百鳥聲
日長嫌輦重風暖覺衣輕薄暮香塵起長楊落照明

天池

杜甫

天池馬不到嵐壁鳥繞通百頃青雲秒層波白石中

唐詩類苑

卷之三十六

三

鬱紆騰秀氣蕭瑟浸寒空直對巫山出兼疑夏禹功
魚龍開闢有菱茨古今同聞道奔雷黑初看浴日紅
飄零神女雨斷續楚王風欲問支機石如臨獻寶宮
九秋驚鴈序萬里狎漁翁更是無人處誅茅任薄躬

憶春日太液池東亭候對

李紳

宮鶯曉報瑞煙開三島靈禽拂水迴橋轉綵虹當綺
殿檻浮花鷁近蓬萊草承步輦王孫長桃艷仙顏阿
母栽簪筆此時方侍從却思金馬笑鄒枚

太液池歌

温庭筠

腥鮮龍氣連清防花風漾漾吹細光疊瀾不定照天

井倒影蕩搖晴翠長平碧淺春生綠塘雲容雨態連
青蒼夜深銀漢通栢梁二十八宿朝玉堂

晚秋陪嚴鄭公摩訶池汎舟

杜甫

湍駛風醒酒船行霧起隄高城秋自落雜樹晚相迷
坐觸鴛鴦起巢傾翡翠低莫須驚白鷺爲伴宿清溪

偶宴西蜀摩訶池

暢當

珍木鬱清池風荷左右披淺觴寧及醉慢舸不知移
蔭竹簟光冷照流簪影歆胡爲獨羈者雪涕向流漪

盆池

杜牧

唐詩類苑

卷之三十六

十四

鑿破蒼苔地偷他一片天白雲生鏡裏明月落階前

盆池

張蠙

圓內陶化功外絕衆流通選處離松影穿時減藥叢
別疑天在地長對月當空每使登門客煙波入夢中

盆池五首

韓愈

老翁真箇是童兒汲水埋盆作小池一夜青蛙鳴到
曉恰如方口釣魚時

莫道盆池作不成藕梢初種已齊生從今有雨君須
記來聽蕭蕭打葉聲

瓦沼晨朝水自清小蟲無數不知名忽然分散無蹤

影惟有魚兒作鴈行

泥盆淺小詎成池夜半青蛙聽得知一聽暗來將伴
侶不須鳴喚鬪雄雌

池光天影共青青拍岸纔添水數瓶且待夜深明月
去試看涵泳幾多星

同韓侍郎遊鄭家池吟詩小飲

白居易

野艇容三人晚池流浹浹悠然倚棹坐水勢如江海
宿雨洗沙塵晴風蕩煙靄殘陽上竹樹枝葉生光彩
我本偶然來景物如相待白鷗驚不起綠荇行堪採

唐詩類苑

卷之三十一

十一

齒髮雖已衰性靈未云改逢時遇杯酒尚有心情在

題灞池二首

王昌齡

腰鑣欲何之東園刈秋韭世事不復論悲歌和樵叟

二

開門望長川薄暮見漁者借問白頭翁垂綸幾年也

汎觴池

薛能

通咽遠華罇汎觴名自君靜看籌見影輕動酒生紋
細滴隨盃落來聲就浦分便應半醉後清冷漱寒雲

晚題東林寺雙池

白居易

向晚雙池好初晴百物新裊枝翻翠羽濺水躍紅鱗

萍汎同遊子連開當麗人臨流一惆悵還憶曲江春
和令公新開龍泉晉水二池

白居易

舊有潢汙泊今爲白水塘笙歌聞四面樓閣在中央
春變煙波色晴添樹木光龍泉信爲美莫忘午橋莊

旦攜謝山人至愚池

柳宗元

新沐換輕幘曉池風霧清自詣塵外意况與幽人行
霞散衆山迴天高數鴈鳴機心付當路聊適義皇情

集賢池荅侍中問

白居易

主人晚入皇城宿問客徘徊何所須池月幸閑無用

唐詩類苑

卷之三十一

十一

處今宵能借客遊無

澠池

汪遵

西秦北趙各稱高池上張筵列我曹何事君王親擊
金相如有劍可吹毛

瑤池

李商隱

瑤池阿母綺窻開黃竹歌聲動地哀八駿日行三萬
里穆王何事不重來

凝碧池侍宴看競渡應制

李懷遠

上苑清鑾路高居重豫遊前對芙蓉沼傍臨杜若洲
地如玄扈望波似洞庭秋列筵飛翠斝分曹戲鷁舟

湍高棹影沒岸近榜歌道舞曲依鸞殿簫聲下鳳樓
忽逢天上樂疑逐海槎流

陪竇侍御汎靈雲池

高適

白露時光降清川思不窮江湖仍塞上舟楫在軍中
舞換臨津樹歌饒向晚風夕陽連積水邊色滿秋空
乘興宜投轄邀歡莫避驄誰憐持弱羽猶欲伴鷓鴣
省試奉詔漲曲江池

黃滔

池脉寒來淺恩波住後新引將諸派水別貯大都春
幽咽疏通處清冷迸入辰漸平連杏岸旋濶映樓津
沙沒迷行徑洲寬恣躍鱗願當舟楫便一附濟川人

唐詩類苑

卷之三十一

七

靈雲池送從弟

王維

見人部兄弟

乾符丙申歲春奉試漲曲江池

鄭谷

王澤尚通津恩波此日新深疑一夜雨宛似五湖春
汎灩翹振鷺澄清躍紫鱗翠低孤嶼柳香失半汀蘋
鳳輦尋佳境龍舟命近臣桂華如入手願作從游人

高陽池送朱二

孟浩然

當昔襄陽雄盛時山公常醉習家池池邊釣女日相
隨妝成照影近來窺紅波澹澹芙蓉發綠岸杉杉楊

柳垂一朝物變人亦非四面荒涼人住稀意氣豪華
何處在空餘草露濕征衣此地朝來餞行者翻向此
中牧征馬征馬分飛漸日斜見此空爲人所嗟殷勤
爲訪桃源路予亦歸來松子家

履道池上作

白居易

家池動作經旬別松竹禽魚好在無暗樹小巢藏巧
婦草荒新葉長慈姑不因車馬時時到豈覺林園日
日蕪猶喜春深公事少每來花下得踟躕
和沈參軍招友生觀芙蓉池

溫庭筠

唐詩類苑

卷之三十一

十八

桂棟坐清曉瑤瑟商鳳絲况聞楚澤香適與秋風期
遂從棹萍客靜笑煙草媚倒影迴愁蕩愁紅媚連漪
湘莖久鮮濯宿雨增離披而我江海意楚遊動夢思
北渚水雲葉南塘煙霧枝豈亡臺榭芳獨與鷗鳥知
珠墜魚迸淺影多鳧汎遲落英不可攀返照昏澄陂
杭州北郭戴氏荷池送侯愉

崔國輔

秋近萬物肅况當臨水時折花贈歸客離緒斷荷絲
誰爲江國永故人感在茲道存過北郭情極望東菑
喬木故園意鳴蟬窮巷悲扁舟竟何待中路每遲遲

龍昌寺荷池

白居易

冷碧新秋水殘紅半破蓮從來寥落意不似此池邊

秋晚雲陽驛西亭蓮池

許渾

心憶蓮池秉燭遊葉殘花敗尚維舟煙開翠扇清風
曉水汎紅衣白露秋神女暫來雲易散仙娥初去月
難留空懷遠道無持贈醉倚欄干盡日愁

相州山池

張說

嘗懷謝公詠山水陶嘉月及此年事衰徒看衆花發
觀魚樂何在聽鳥情都歇星漢流不停蓬萊去難越
鄴中秋麥秀淇上春雲沒日見塵物空如何靜心闕

唐詩類苑

卷之三十六

九

宴鄭參卿山池

李白

爾恐碧草晚我畏朱顏移愁看楊花飛置酒正相宜
歌聲送落日舞影迴清池今夕不盡杯留歡更邀詩

唐都尉山池

崔湜

曲渚颺輕舟前溪釣晚流鴈翻蒲葉起魚撥荇花遊
金子懸湘柚珠房折海榴幽尋惜未已清月半西樓

同族姪評事黠遊昌禪師山池二首

李白

遠公愛康樂爲我開禪關蕭然松石下何異清涼山
花將色不染水與心俱閒一坐度千劫觀空天地閒

二

客來花雨際秋水落金池片石寒青錦疎楊挂綠絲
高僧拂玉柄童子獻雙梨惜去愛佳景煙蘿欲暝時

題沈東美員外山池

綦母潛

仙郎偏好道鑿沼象瀛洲魚樂隨情性舟行任去留
秦人辨鷄犬堯日識巢由歸客衡門外仍憐返景幽

過崔駙馬山池

王維

畫樓吹笛妓金碗酒家胡錦石稱貞女青松學大夫
脫貂貫桂醕射鴈與山厨聞道高陽會愚公谷正愚
從岐王夜讌衛家山池應教

唐詩類苑

卷之三十六

二十

王維

座客香貂滿宮娃騎驕幔張澗花輕粉色山月少燈光
積翠紗窻暗飛泉繡戶涼還將歌舞出歸路莫愁長

姚開府山池

孟浩然

主人新邸第相國舊池臺館是招賢闢樓因教舞開
軒車人已散簫管鳳初來今日龍山下誰知文舉才

蕭文學山池宴

獨孤及

檀欒千畝綠知是辟疆園遠岫當庭戶諸花覆水源
主人邀盡醉林鳥助狂言莫問愁多少今皆付酒罇
蘇著作山池

賈彥璋

水樹子雲家蓬瀛宛不賒芥浮舟是葉蓮發岫爲花
酌蟻開春甕觀魚憑海槎遊蘇多石友題贈滿瑤華

安德山池宴集

李百藥

朝宰論思暇高宴臨方塘雲飛鳳臺管風動令君香
細草開金埒流霞泛羽觴虹橋分水能鏡石引菱光
上才同振藻小伎謬連章懷音自蘭室徐步反山莊

安德山池宴集

劉洎

平陽擅歌舞金谷盛招攜何如兼往烈命賞叶幽棲
已均朝野致還欣物我齊春晚花方落蘭深逕漸迷
蒲新節尚短荷小蓋猶低無勞拂長袖直待夜烏啼

唐詩類苑

卷之三十一

二五

安德山池宴集

岑文本

甲第多清賞芳辰命羽卮書帷通竹逕琴臺枕槿籬
池疑夜壑徙山似鬱洲移雕楹網蘿薜激瀨合墳荒
鳥戲翻新葉魚躍動清漪自得淹留趣寧勞攀桂枝

安德山池宴集

楊績

狹斜通鳳闕上路抵青樓簪紱啓賓館軒蓋臨御溝
西城多妙舞主第出名謳列峰疑宿霧疏壑擬藏舟
花蝶亂風影蘋藻含春流酒闌高宴畢自反山之幽

安德山池宴集

上官儀

路上抵平津後堂羅薦陳締交開狎賞麗則展芳辰

密樹風煙積迴堂荷菱新雨霽虹橋晚花落鳳臺春
翠釵低舞席文杏散歌塵方惜流觴滿夕鳥已城闌

安德山池宴集

許敬宗

戚里歡娛地園林矚望新山亭帶芳杜歌吹叶陽春
臺榭疑巫峽荷葉似洛濱風花縈少女虹梁聚美人
宴遊窮至樂譁笑畢良辰獨歎高陽晚歸路不知津

安德山池宴集

褚遂良

伏歷丹霞外遮園煥景舒行雲汎層阜蔽月下清渠
亭中奏趙瑟席上舞燕裾花落春鶯晚風光夏葉初
良朋比蘭蕙雕藻邁瓊琚獨有狂歌客來承歡宴餘

唐詩類苑

卷之三十一

三五

奉和宴小山池賦得谿字應制

武三思

年光開碧沼雲色斂青谿凍解魚方戲風暄鳥欲啼
巖泉飛野鶴石鏡舞山鷄柳發龍鱗上松新塵尾齊
九韶從此驗三月定應迷

城南山池

張九齡

城南隅山池春仲田袁二公盛稱其美夏首獲賞
果會夙言故有此詠

憶昨聞佳境駕言尋昔蹊非唯初物變亦與舊遊睽
幽渚爲君說清晨卽我攜逢深獨睥睨歷險共攀躋

林筍包青箨津楊委綠萋荷香初出浦草色復綠堤
樂處將鷗狎譚端用馬齊且言臨海郡兼話武陵溪
異壤風煙絕空山巖徑迷如何際朝野從此待金閨

題少府監李丞山池

李頎

能向府亭內置茲山與林他人驕驕馬而我薜蘿心
雨止禁門肅鶯啼宮柳深長廊闕軍器積水背城陰
窗外王孫草牀頭中散琴清風多仰慕吾亦爾知音
奉陪郭常侍宴漣川山池 錢起

掖垣攜愛客勝地賞年光向竹過賓館尋山到妓堂
歌聲掩金谷舞態出平陽地滿簪裾影花添蘭麝香

唐詩類苑

卷之三十六

二五

鶯啼春未老酒冷日猶長安石風流事須歸問一作

省郎

閒題家池寄王屋張道士 白居易

有石白磷磷有水清潏潏有叟頭似雪婆娑乎其間
進不趨要路退不入深山深山太濶落要路多險難
不如家池上樂逸無憂患有食適吾口有酒配吾顏
恍惚遊醉鄉希夷造玄關五千言下悟十二年來閒
富者我不顧貴者我不攀唯有天壇子時來一往還

秋夜與劉碭山汎宴喜亭池

李白

明宰試舟楫張燈宴華池文招梁苑客歌動郢中兒
月色望不盡空天交相宜令人欲泛海只待長風吹

滁州園池宴元氏親屬

韋應物

日暮遊清池疎林羅

籠一作

高天餘綠飄霜露夕氣變

風煙水門架危閣竹亭列廣筵一展私姻禮屢歎芳
罇前感往在茲會傷離屬頽年明晨復云去且願此
留連

題韋家泉池

白居易

泉落青山出白雲縈村遶郭幾家分自從引作池中
水深淺方圓一任君

唐詩類苑

卷之三十六

二五

和韓侍郎題楊舍人林池見寄

白居易

渠水暗流春東解風吹日炙不成疑鳳池冷暖君諳
在二月因何更有水

朱坡故少保杜公池亭

許渾

杜陵池榭綺城東孤島迴汀路不窮高岫乍疑三峽
近遠波初似五湖通楸梧葉暗瀟瀟雨菱荇花香澹
澹風還有昔時巢燕在飛來飛去盡堂中

題壽安王主簿池館

蘇頲

洛邑通馳道韓郊在屬城館將花雨映潭與竹聲清